



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 6. Poloniæ, Hungariæ, & Bohemiæ Reges a Gallo sollicitati

[urn:nbn:de:hbz:466:1-66414](https://nbn-resolving.de/urn:nbn:de:hbz:466:1-66414)

dus non esset. His tamen insuperhabit s^ec^ul. XVI.
tis Bonnivetus Electoribus suggerebat, A.C.1519.
quod Hispani, si Carolus eligeretur, adeo
diuturnam Regis sui absentiam a regno
ægerrime laturi essent, ejus vero ditie-
nes ab imperio nimium distarent, proin
assiduis tumultibus exponerentur, aliun-
de Carolus rei militaris inexpertus es-
set, ac Cæsar, a quo educatus in om-
nibus semper dependisset, suum eidem
genium, ac præcepta instillasset.

§. VI.

*Poloniæ, Hungariæ & Bohemiæ Reges
a Gallo sollicitati.*

Ut vero hisce rationibus majus auctori-
tatis pondus accresceret, Bonnive-
tus S. R. I. Electoribus amplissima elar-
giebatur munera, saltem auro illorum
suffragia coempturus. Post hæc Fran-
ciscus I. his necdum contentus, Lagar-
dum de Gaignes Alverniæ Nobilem in
Poloniam, Hungariam, & Bohemiam
ablegabat, ut horum Regnum Reges
induceret, ne suæ ad Imperium electioni
adversarentur. Verum Gallus surdas
pulsabat aures; objectabant enim hi Prin-
cipes paœta, quæ Ludovicus junior
Hungariæ ac Bohemiæ Rex cum Domo
Austriaca olim inierat, vi quorum se Re-

glæ

Sæcul. XVI. giae Caroli Hispaniarum Regis familie
A.C. 1519. suffragaturum fidem dedit.

§. VI.

Helvetii a Galliarum Rege ad conciliandos ipsi Electores rogati.

Præterea Franciscus Galliarum Rex ad Helveticas Tribus Antonium de Lamet supplicatum misit, ut ejus electioni faverent, datumque fuit Lameto negotium, ut in Badensibus comitiis Helvetis proponeret, quod tanta foret Turcarum potentia, ut vel eis cedendum, vel pugnandum esset; cum autem a nullo nisi ab eo, qui Galliæ, Germaniæ ac Italîæ vires unitas haberet, eorum ausus frangi possent, ac conciliandæ ejusmodi unioni Helvetii, eoque inter tres hosce status justo situs spatio interponerentur, oppido idonei forent; hinc Rex Christianissimus, ajebat legatus, eos rogat, atque obtestatur, ut ejus votis suffragarentur; vicissim vero ille pollicetur, se imperio potitum arma sua usque ad Thraciæ fines circumlaturum. Attamen ad hæc Helvetii respondebant: obstant pacta nuper cum Gallis inita, vi quorum polliciti sumus, quod nec Sacræ Sedis, nec Romani Imperii negotiis ullo pacto nos ingerere velimus, proin relinquimus plenam